

الأسفار الشعرية

أمثال

كتالوج الحياة في حكمة و مخافة الله

نصائح عملية بإرشاد الروح القدس عشان نعيش حياتنا بحكمة الله (مش بحكمتنا الأرضية) في كل الأجيال و كل الظروف

ليه ندرس عهد قديم؟

"فتشوا الكتب لأنكم تظنون أن لكم فيها حياة أبدية. وهي التي تشهد لي"

وصية واضحة من ربنا لدراسة العهد القديم (تلتين الكتاب المقدس) ...

1. مانقدرش نستوعب العهد الجديد صح غير من خلال نبوات و أحداث العهد القديم
2. ربنا هو هو أمس و اليوم ... و كذلك الإنسان ... العهد القديم غني جداً في شرح معاملات ربنا مع الإنسان بطريقة تخلينا نفهم ربنا
3. الكلام ده اتكتب عشاننا (الوعود و الوصايا لا تتغير) ... ربنا كمل لنا (لم آت لأنقض بل لأكمل)



[i عن السفر](#)



الصورة من موقع BibleProject

عدد الإصحاحات: 31

? ظروف الكتابة:

- الكاتب الرئيسي هو سليمان الملك ابن داود
- كتب السفر ده في فترة شبابه (قبل فترة الخطية و الرفاهية الزيادة) بعد ما شاف ربنا في رؤيا و طلب منه الحكمة و نالها

✓ هدف السفر:

- السفر تجميعه من الحكمة هدفه (زي ما موجود في أول آية) إنه يبدأ يعلمنا طريق الحكمة السماوية: كيف أصير حكيماً؟
- السفر فيه أمثال كثير عن تقديس الحواس (اللسان / القلب / الفكر / الآذان) عشان حياة الإنسان كلها تبقى ملك لربنا
- السفر كمان عملي جداً فيه أمثال كثير في حياتنا و تعاملاتنا اليومية

📖 مفاتيح فهم السفر:

- (الأمثال) في السفر ده بنفس معناها اللي عارفينه في حياتنا العادية: جمل قصيرة فيها حكمة

- السفر يضع مقارنات كثير بين الحكيم (الإنسان التقي) و بين الجاهل (الشرير أو البعيد عن ربنا) ... يعني الحكمة != الذكاء ولا العلم بل معناها الاقتراب من الله وتنفيذ وصاياه
- الحكمة في السفر ده مذكورة كصفة (الخير أو تنفيذ وصايا ربنا) و كشخص = أقنوم الحكمة (ربنا يسوع المسيح)

ترتيب السفر



مقدمة عن السفر ثم حكمة سليمان ثم حكمة 2 حكمااء في وقت حزقيا الملك (أو سليمان نفسه بس حاطط ألقاب له)

إصحاح 1 ل 9

مقدمة



نداء الحكمة (ربنا يسوع): تعالوا اقتنوا الحكمة

إصحاح 10 ل 29

حكمة سليمان



بركات الحكمة و طريقها

إصحاح 30

حكمة أجور



التواضع لاقتناء الحكمة

إصحاح 31

حكمة لموئيل



صفات المرأة الفاضلة

ملخص السفر



1: مقدمة

إصحاح 1 ل 9

٩-١

مقدمة لسفر الأمثال

٩-١

مخافة الرب

- تبجيل ومعاينة
- عقلية أخلاقية
- اتضاع الشفص أمام الله



لاكتساب الحكمة


بالعبرية: قوفمة

ممارسة، فكمة عملية (اقرأ سفر الفروج ١: ٣-١)

أمثال
سليمان

عشر أحكام من أبي إلى ابنه

المنطق الأخلاقي للأمثال

اسمع يا ابني
تأديب أبيك (١: ٨)

٤ قصائد شعر عن حكمة المرأة

١: ٢٠-٣٣ | ٣: ١١-١٤ | ٤: ١-٩

• أسلوب شعري للادعاء
باننا نميا في عالم أخلاقي• مخافة الرب = الانسجام مع
و الحكمة = طبيعة الكونتعلم، وتعلم
مني!

التمسك بالعدالة

لست مدنبا!



نصائح جيدة...

الأمثال = دعوة الله لتعلم الحكمة من الأجيال السابقة

الصورة من موقع BibleProject

• إصحاح 1 و 2 - هدف السفر:

- يقول سليمان الحكيم إن هدف السفر هو اقتناء الحكمة
- وإن أساس الحكمة هو مخافة الرب (يعني التواضع قدام كلام ربنا لأنه هو الحق و الحياة)
- ويقول لابنه أول وصية: اسمع تأديب أبيك (ربنا) ولا ترفض شريعة أمك (الكنيسة)... عشان تعيش باستقامة و تكون ناجح و في سلام، بينما الجهال المتكبرين المخالفين لوصايا ربنا بحثاً عن مكاسبهم مصيرهم هو الهلاك

💡 برضه تنطبق على الأب و الأم اللي هم أول ناس بيعرّفونا ربنا و يسلمّونا وصاياه

○ (إصحاح 2) اطلب الحكمة و دوّر عليها من كل قلبك ... اسلك في وصايا ربنا و حاول بكل قلبك تكون هي كنز عقلك و قلبك

💡 الرب يعطي حكمة ... مصدر الحكمة الروحية هو أقنوم الحكمة (السيد المسيح)، و حكمته عميقة جداً علينا مستحيل نفهمها كلها و دورنا بس إننا نطلب حكمة أن نسلك في وصايا ربنا و نعملها

● إصحاح 3 ل 7 - وصايا من أب لابنه:

○ (إصحاح 3) خليك متواضع أمام ربنا و وصاياه (لا تكُن حكيماً في عيني نفسك. اتّق الرب و ابعده عن الشر) و كريم مع الله (أكرم الرب من مالك و من كل باكورات غلتك) و الناس (لا تمنع الخير عن أهله، حين يكون في طاقة يدك أن تفعله)

💡 عمل الخير مع الناس وصية مهمة جداً حتى من العهد القديم ... مش كفاية إني لا أضر أحد، لازم أعمل خير طالما في يدي أن أعمله

○ (إصحاح 4) ضبط القلب و الحواس (فوق كل تحفُّظ احفظ قلبك، لأن منه مخرج الحياة)

💡 الإصحاح ده كمان بيقول لنا أهمية دور الأب في التربية و إنه لازم يكون مثل أعلى و يعلم ابنه الحكمة ... زي ما داود علّم سليمان المزامير و وصّاه توصيات في آخر حياته إنه يمشي في طريق ربنا

○ (إصحاح 5 و 6 و 7) احذر من الزنا و من أن تنخدع بالكلام المعسول أو جمال الشكل، اهرب حالاً و إلا ستندم بعد فوات الأوان بعد ضياع صحتك و عقلك و شبابك و طهارتك ... بل (ليكن ينبوعك مباركاً، وافرح بامرأة شبابك) لأنه (أياخذ إنسان ناراً في حضنه ولا تحترق ثيابه؟)، و بلاش استهتار أو كبرياء (لأنها طرحت كثيرين جرتى، وكل قتلها أقوياء)

💡 المشاعر و العواطف لازم الواحد يكون حذر جداً فيها، لازم لا يعطي قلبه لأي حد خارج الإطار الذي رسمه ربنا ... و يخلي باله في اختيار شريك الحياة اللي هو هدية من ربنا

- (إصحاح 6) احذر من الثقة في ناس ماينفعلش تثق فيها و من وعود متسرعة و من الكسل في حياتك ... بل (اذهب إلى النملة أيها الكسلان. تأمل طرقها وكن حكيماً)

💡 حكيماً جداً هو الملك سليمان اللي تأمل في نشاط النمل اللي رغم ضعفه عنده مثابرة كبيرة جداً و يستغل إمكانياته و ده اللي بيفرق في السباقات الطويلة

● إصحاح 8 و 9 - نداء الحكمة:

- السيد المسيح بينادي على كل إنسان: تعالى و افهم وصاياي و تعليمي اللي (خير من اللآلئ، وكل الجواهر لا تساويها) ... مش مطلوب منك غير إنك تحب الحكمة و تتمسك بها و ربنا يقول (أنا أحب الذين يحبونني، والذين يبكرون إلي يجدونني)

💡 و فيه آيات واضحة عن أزلية الابن (منذ الأزل مُسِحْتُ، منذ البدء، منذ أوائل الأرض) و إنه الخالق

- و النتيجة: حياة فيها فرح مقدس (فرحة في مسكونة أرضه، ولدأتي مع بني آدم) و حياة أبدية (لأنه من يجدي يجد الحياة، وينال رضى من الرب)
- لكن مش بس الحكمة بتنادي، ده كمان الحماقة بتنادي و تدعو الناس لطريق الهلاك و بتحاول تجمله .. و في الآخر كل واحد يتحمل مسئولية اختياره (إن كنت حكيماً فأنت حكيماً لنفسك، وإن استهزأت فأنت وحدك تتحمل)

💡 و بداية إصحاح 9 (الحكمة بنت لها بيتاً) عن الكنيسة و الأسرار و الإفخارستيا و دعوة الخدام لكل بالتوبة ... الجزء ده نقرأه في أسبوع الآلام

لا تَدَعِ الرَّحْمَةَ وَالْحَقَّ يَتْرُكَاكَ. تَقَلِّدْهُمَا عَلَى عُنُقِكَ. اكَتِبْهُمَا عَلَى لَوْحِ قَلْبِكَ

أمثال 3 : 3

التوازن مهم جداً بين الرحمة و الحق ... محتاج حكمة سماوية من وصايا ربنا

نتعلم إيه؟

الحكمة نداءها واضح و عالي, و نفس الكلام بالنسبة للجهل ... مهمتنا إننا نسمع للحكمة
و نحى بها

🙏 يا رب أعطني أن أميّز صوتك و أحبى بوصاياك

2: حكمة سليمان

إصحاح 10 ل 29

مَثَلَاتُ مِنَ الْأَمْثَالِ الْقَدِيمَةِ

٢٩-١٠



درب الولد بمقتضى مواهبه و طبيعته، فمتى شاخ لا يميل عنها (٦:٢٢)

تقوى الرب تطيل أيام الحياة، أما سنو الشرير فتقصُر (٢٧:١٠)

ديون
زواج
عدالة
كلام
شخصية
عائلة
مداقة سفرات

تطبيق الحكمة في مفاة الرب

الأمثال تركّز على

القاعدة العامة الاستثناء



الحياة أعقد من مهزّد معادلات، نحتاج جميع أسفار الحكمة

أمثال وعود



أمثال = احتمالات

عدم مفاة الله و المفاة

مفاة الله و الحكمة

ستكون الأمور سيئة

ستكون الأمور رائة

الصورة من موقع BibleProject

مجموعة رائعة من الأمثال و الحكّم الروحية القصيرة في مواضيع مختلفة في الحياة

بعض المواضيع و الآيات من سفر الأمثال

الموضوع	الآيات
المحبة	<ul style="list-style-type: none"> البغضة تهيج خصومات، والمحبة تستر كل الذنوب (أمثال 10 : 12) من يستر معصية يطلب المحبة، ومن يكرر أمرا يفرق بين الأصدقاء (أمثال 17 : 9) ... المحبة تستر كثرة من الخطايا

الموضوع	الآيات
ضبط اللسان و النفس	<ul style="list-style-type: none"> • الصديق يُحب في كل وقت، أما الأخ فلاشدة يُوَدِّ (أمثال 17 : 17) ... الصديق الحقيقي كنز لأنه يحب صديقه دائماً • إن جاع عدوك فأطعمه خبزا، وإن عطش فاسقه ماء، فإنك تجمع جمرًا على رأسه، والرب يجازيك. (أمثال 25 : 21 و 22)
الاتكال على الله	<ul style="list-style-type: none"> • كثرة الكلام لا تخلو من معصية، أما الضابط شفتيه فعاقل (أمثال 10 : 19) • غضب الجاهل يُعرّف في يومه، أما ساتر الهوان فهو ذكي (أمثال 12 : 16): لازم الكلام يكون في هدوء مش في عصبية ... عشان ما يطلعش كلام غلط أو بطريقة غلط • البطيء الغضب خير من الجبار، ومالك روحه خير ممن يأخذ مدينة (أمثال 16 : 32) ... لازم الواحد يسيطر على أعصابه و يعرف يقوّم نفسه • مجد الرجل أن يتعد عن الخصام، و كل أحقق ينازع (أمثال 20 : 3) • أكل كثير من العسل ليس بحسن، وطلب الناس مجد أنفسهم ثقيل. مدينة منهدمة بلا سور، الرجل الذي ليس له سلطان على روحه. (أمثال 25 : 27 و 28) • من يحفر حفرة يسقط فيها، ومن يصرح حجرا يرجع عليه. (أمثال 26 : 27) • النفس الشبعانة تحوس العسل، وللنفس الجائعة كل مُرّ حلو. (أمثال 27 : 7) ... اللي شعبان برينا لا يهमे العالم ولا ما فيه، بينما النفس البعيدة عن ربنا تلهث وراء العالم
	<ul style="list-style-type: none"> • بركة الرب هي تُعني، ولا يزيد معها تعباً (أمثال 10 : 22) ... ثق في بركة ربنا مهما تعبت • القليل مع مخافة الرب، خير من كنز عظيم مع همّ. أكلة من البقول حيث تكون المحبة، خير من ثور معلوف ومعه بغضة (أمثال 15 : 16 و 17) • اسم الرب برج حصين، يركض إليه الصديق ويتمتع (أمثال 18 : 10) ... الصديق يبلاقي الأمان عند ربنا، يجري عليه زي الأطفال • القلب يعرف مرارة نفسه، وبفرحه لا يشاركه غريب. أيضاً في الضحك يكتب القلب، وعاقبة الفرح حزن (أمثال 14 : 10 و 13) ... ناس كثير من برة شكلها بتضحك و مبسوطه لكن قلبها حزين (لأن فيه فرق بين الضحك و بين السعادة) ... السعادة الحقيقية في ربنا فقط • الفرس مُعدّ ليوم الحرب، أمّا النصره فمن الرب (أمثال 21 : 31) • الصيت أفضل من الغنى العظيم، والنعمة الصالحة أفضل من الفضة و الذهب (أمثال 22 : 1) • لأنه لا بد من ثواب، ورجاؤك لا يخيب (أمثال 23 : 18) • إن ارتخيت في يوم الضيق ضاقت قوتك. (أمثال 24 : 10) ... توكل على ربنا بإيمان حتى وسط الضيقات

الموضوع	الآيات
	<ul style="list-style-type: none"> • الرجل الأمين كثير البركات، والمستعجل إلى الغنى لا يبرأ (أمثال 28 : 20)
التواضع	<ul style="list-style-type: none"> • تأتي الكبرياء فيأتي الهوان، ومع المتواضعين حكمة (أمثال 11: 2) ... التواضع مفتاح الفضائل كلها • قبل الكسر الكبرياء، وقبل السقوط تشامخ الروح (أمثال 16: 18) ... الكبرياء هي الخطوة الأولى في طريق السقوط • أكثر الناس ينادون كل واحد بصلاحه، أما الرجل الأمين فمن يجده؟ (أمثال 20 : 6) ... لازم الواحد يكون أمين في كلامه و يقول اللي له واللي عليه • من يكتم خطايه لا ينجح، ومن يُفترّ بها ويتركها يُرَحَم (أمثال 28 : 13) • كبرياء الإنسان تضعه، والوضع الروح ينال مجداً. (أمثال 29 : 23)
الرحمة و العطاء	<ul style="list-style-type: none"> • النفس السخية تُسَقِّن، والمروى هو أيضا يروى (أمثال 11: 25) • الصديق يراعي نفس بهيمته، أما مراحم الأشرار فقاسية (أمثال 12: 10) • ظالم الفقير يعير خالقه، ويمدده راحم المسكين (أمثال 14: 31) • أيضاً من قريبه يُبَغِض الفقير، ومدبو العني كثيرون. من يحتقر قريبه يخطئ، ومن يرحم المساكين فطوبى له (أمثال 14: 20 و 21) ... إياك تحتقر الفقير • من يرحم الفقير يُقرض الرب، وعن معروفه يجازيه (أمثال 19: 17) • من يسدّ أذنيه عن صراخ المسكين، فهو أيضاً يصرخ ولا يستجاب (أمثال 21 : 13)
الحكمة في الكلام	<ul style="list-style-type: none"> • الإنسان يشبع خيراً من ثمر فمه (أمثال 12 : 14): الكلام الحكيم يرجع بالخير على صاحبه • يوجد من يهذر مثل طعن السيف، أما لسان الحكماء فشفاء (أمثال 12: 18): لازم الكلام يطلع فيه احترام و مراعاة لمشاعر اللي قدامي • الغم في قلب الرجل يحنيه، والكلمة الطيبة تفرحه (أمثال 12: 15): لازم الكلام يكون فيه تشجيع لصغار النفوس و تعزية • الجواب اللين يصرف الغضب، والكلام الموجع يهيج السخط (أمثال 15 : 1): لازم الكلام يكون فيه حكمة إني أكسب اللي قدامي خصوصاً لو هو غاضب (متقولش حاجة تزود غضبه) • من يحفظ فمه ولسانه، يحفظ من الضيقات نفسه (أمثال 21 : 23) • تفاع من ذهب في مصوغ من فضة، كلمة مقولة في محلها. (أمثال 25 : 11) • بعدم الحطب تنطفئ النار، وحيث لا نمام يهدأ الختام. (أمثال 26 : 20)


الموضوع	الآيات
التأديب و المشورة	<ul style="list-style-type: none"> • حيث لا تدبير يسقط الشعب، أما الخلاص فبكثرة المُشيرين (أمثال 11: 14) ... لازم الإنسان الروحي يكون له مُرشد • الابن الحكيم يقبل تأديب أبيه، والمستهزئ لا يسمع انتهاراً (أمثال 13: 1) دور الابن: يكون متواضع و حكيم و يقبل تأديب أبيه • من يمنع عصاه يُمقت ابنه، ومن أحبّه يطلب له التأديب (أمثال 13: 24) دور الأب: يؤدب الابن حتى لو احتاج الأمر في أوقات إلى الحسم (طبعاً التأديب مش معناها الضرب بل التقويم عشان الابن يفهم إنه عمل حاجة غلط و يعرف عاقبة الغلط ده و مايعملوش تاني) • البوطة للفضة، والكور للذهب، وممتحن القلوب الرب (أمثال 17: 3): زي ما الصائغ ينقي الفضة في الفرن لحد ما توصل لدرجة من النقاء إنه يرى وجهه فيها بوضوح ... هكذا ربنا بيعمل معانا ساعات: ينقينا بالتجارب لحد ما نتغيّر إلى صورته • توجد طريق تظهر للإنسان مستقيمة، وعاقبتها طرق الموت (أمثال 14: 12) ... لازم الواحد يدقق و يتأنى في اختيار طريقه ويستعين بمُرشد روي • ربّ الولد في طريقه، فمتى شاخ أيضاً لا بحيد عنه (أمثال 22: 6) • بالكلام لا يؤدّب العبد، لأنه يفهم ولا يُعنى. (أمثال 29: 19) .. يعني مش دايماً الكلام (ولا الضرب) بينفع للتأديب، ساعات بيكون فيه طرق عملية تانية

كثير من الآيات هنا تحوّلت إلى أمثال شعبية في تراثنا



الأمثال الشعبية

VS



الكتاب المقدس

الصيت ولا الغنى
بالمعنى الإيجابي إن السمعة الطيبة
أهم من الفلوس



الصيت أفضل من الغنى العظيم،
والنعمة الصالحة أفضل من
الفضة والذهب. (أمثال 22 : 1)

من حفر حفرة لأخيه وقع فيها



من يحفر حفرة يسقط فيها، ومن
يدحرج حجرا يرجع عليه. (أمثال 26 :
27)

يا بخت من زار و حُفِّف



اجعل رجليك عزيزة في بيت قريبك،
لئلا يمل منك فيبغضك. (أمثال 25 :
17)

حَسْبُكَ الْيَوْمَ حَيْبُكَ وَالْبَيْتُ حَيْبُكَ



السرس بعد يوم السرب، الس
النصرة فمن الرب (أمثال 21 : 31)

فَتَّحْ عَيْنَكَ تَاكُلْ قَلْبَيْنِ
بالمعنى الإيجابي إن النشاط يجيب
النجاح و الخير



لا تحب النوم لئلا تفتقر. افتح
عينيك تشبع خبزاً. (أمثال 20 : 13)

يا بخت من بكاني وبكى علياً ولا
ضكني وضك الناس علياً



التوبيخ الظاهر خير من الحب
المستتر. أمينة هي جروح المحب،
وغاشة هي قبلات العدو. (أمثال
27 : 5 و 6)

اللي سبق أكل النَّبَق
بمعنى المبادرة في الاعتذار و
الاعتراف بالخطأ .. لكن لازم لو فيه
طرفين في نزاع نسمع ال2 قبل ما
نحكم



الأول في دعواه مُجِيق، فيأتي
رفيقه ويفحصه (أمثال 18 : 17)

madraset-elshamamsa.com

بعض الأمثال الشعبية المستوحاة من سفر الأمثال

حيث لا بقر فالمعلف فارغ، وكثرة الغلّة بقوة الثور

أمثال 14 : 4

آية تنطبق على الخدام: لو فيه خدمة قوية و افتقاد الكنيسة هتكون مليانة, أمّا لو الخدمة ضعيفة مش بتقدّم غذاء هتكون الكنيسة فاضية

نتعلّم إيه؟

الجزء ده مليون بأمثال حكمة في معظم نواحي الحياة العملية ... قواعد عامة عشان نعيش حياتنا صح

يا رب أعطنا أن نسلك بهذه الحكمة الروحية العملية في طريق حياتنا

3: حكمة أجور

إصحاح 30



الصورة من موقع BibleProject

نقدر نقسم الإصحاح ل 3 أجزاء:

● نبوة عن الابن:

أجور يسأل: (من صعد إلى السماوات ونزل؟ من جمع الريح في حفنتيه؟ من صر المياه في ثوب؟ من ثبت جميع أطراف الأرض؟ ما اسمه؟ وما اسم ابنه إن عرفت؟) ... و ربنا يسوع جاوبه: وليس أحد صعد إلى السماء إلا الذي نزل من السماء، ابن الإنسان الذي هو في السماء. (يوحنا 3 : 13)

● صلاة:

إن ربنا يبعد عنه الفقر الزائد (حتى لا يجذّف أو يسرق) و الغنى الزائد (حتى لا يتكبر أو يستغنى عن ربنا) ... كأنه يقول: خبزنا كفافنا أعطنا اليوم

● مجموعة من الحكم:

في صورة رباعيات، نقدر نتعلّم منها

أربعة هي الأصغر في الأرض، ولكنها حكيمة جدا: النمل طائفة غير قوية، ولكنه يعد طعامه في الصيف، الوبار طائفة ضعيفة، ولكنها تضع بيوتها في الصخر. الجراد ليس له ملك، ولكنه يخرج كله فرقا فرقا. العنكبوت تمسك بيديها، وهي في قصور الملوك.

أمثال 30 : 24 ل 28

كائنات ضعيفة لكن ممكن نتعلم منها كثير:

من النمل: التخطيط و عدم الكسل

من الوبار (حيوان صغير زي الأرنب): الاحتماء بالصخر (ربنا يسوع)

من الجراد: العمل الجماعي

من العنكبوت: السكنى في القصور العالية (السماء)

نتعلّم إيه؟

'طريقة رائعة لقراءة سفر الأمثال: إن الواحد يتواضع و يقول أنا ما عنديش حكمة و يحط كلمة ربنا فوقه و يتعلم منها

🙏 يا رب خليني أركز في قراءة كلامك و وصاياك و أحيا بها



الصورة من موقع BibleProject

الإصحاح المشهور عن المرأة الفاضلة ... 22 آية (كل آية بادية بحرف من الأبجدية العبرية) عن كيفية اختيار الزوجة، و صفاتها:

• القناعة

- النشاط
- العطاء
- المثابرة
- جدعة و بتحب الشغل (مش مدللة)
- مدبرة
- واخدة بالها من مظهرها باحتشام
- عندها إيمان و مش خايقة من بكرة
- حكيمة
- يقظة و عارفة حال ولادها و أسرتها

و المرأة الفاضلة دي زوجها و الناس يحبوها على الأرض، و ربنا يكافئها في السماء

الْحُسْنُ غِشٌ وَالْجَمَالُ بَاطِلٌ، أَمَّا الْمَرْأَةُ الْمُتَّقِيَةُ الرَّبِّ فَهِيَ تُمَدِّحُ

أمثال 31 : 30

اختيار شريك الحياة لازم يبقى بالعقل مش بالشكل، و أهم صفة مخافة الرب

نتعلم إيه؟

حكمة الأمهات مهمة جداً في تربية الأولاد ... يا بخت اللي عنده أم حكيمة روحياً كده
 🙏 يا رب أعط بناتنا هذه الحكمة الروحية حتى يكونوا شبه أمنا العذراء: المرأة الفاضلة



- Bible Project
- فتشوا الكتب (أبونا داود لمعي)
- تبسيط سفر الأمثال - أبونا لوقا ماهر